



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Prima Duo Sæcula Complectens

Fleury, Claude

August. Vind. [u.a.], 1758

VD18 13322648

§. 12. Status Judææ. Albinus. Florus.

[urn:nbn:de:hbz:466:1-66002](#)

Sæculum I.
A. C. 64.

§. XII.

Judææ Status. Albinus. Florus.

Jos. XX.
aut. c. 8.
p. 699.

Circa idem tempus Rex Agrippa, Iesu filio Danni Pontificatu dejecto, Jesus filium Gamalielis substituit, quod acerbæ inter eos æmulationis origo fuit; temerariis quibusque in suas partes pertractis, mutuo se primum verbis, deinde lapidibus incessebant. Sed etiam aliae erant factiones, quarum Duces Ananias divitiis pollens, Castobar, & Saul, ambo ad stirpem Regiam originem referentes, Agrippæ sanguine juncti. Abhinc pulsâ Jerosolyma quies nunquam postliminio rediit. Sed res Judæorum publica semper ruere in deterius cœpit.

Inter hæc Albinus, Successorem sibi datum, comperto, Gesium Florum, jamque in itinere constitutum, ut in fine Jerosolymitarum gratiam iniret, carceres aperiri jubet, vincitosque omnes produci; manifeste morte dignos suppicio addicit, cœteros, de quorum delictis non ita constabat, pecunia accepta, libertati restituit; sic carceres quidem evacuati, Provincia vero graffatoribus impleta est. Florus Glazomena ortus, uxoris suæ Cleopatræ favore, quæ Imperatricis Popæ amicitia fruebatur, Praeturam obtinuit. Is

Jos. XX.
ont. c. 9. 11.
Bell. c. 24.
pag. 798.

Is tam dire Judæos habuit, ut Albini de Sæculum I.
siderium moveret, quamquam eos gravi- A.C. 64.
bus malis affecisset; nam Albino satis
fuerat, in occulto esse malum; contra
Florus in scelere gloriari videbatur. E-
rant ei præcordia erga miseros ferrea, a-
varitia insatiabilis, usque adeo, ut cum
latrōnibus spolia partiri non puderet,
quorum deprædationibus ut se eriperent,
multi Judæorum, relicta patria, in exte-
ras Provincias recesserunt.

Rex Agrippa auctoritatem in Tem- ^{Jof. XX.}
plum, & Templi ministros salvam sibi sem- ^{ant. c. 8.}
per vindicavit; ei Levitæ, quorum offi- ^{p. 699.}
cium erat canere, suggererunt consilium,
ut convocato *Sanbedrin*, ipsis lineis ve-
stibus in ministerio utendi jus compete-
re, decerneretur; quod impetrarunt.
Alii Levitæ inferioris ordinis, ad Templi
servitium deputati, obtinuerunt, ut sacra
cantica discere liceret. Talia autem Le-
ge vetita erant. Templi structura circa
id temporis consummata est; hinc de-
cies, & octies mille operarii, quos hic la-
bor aluerat, vacantes, pane indigebant.
Populi quidem desiderium erat, ut Por-
ticus Orientalis, Salomonis quondam o-
pus, restituaretur; noluit vero Rex, sed
solum permisit, ut civitatis pavimentum
albo lapide sterneretur; rursusque depo-
sito JESU Gamalielis filio, ad summum Sa-
cerdotium Mathiam Theophili filium pro-
movit,

Sæculum I. movit, sub quo bellum Judaicum duodecimo Neronis anno initium duxit.
A. C. 64.

§. XIII.

Epistola I. ad Timotheum.

I. Tim. 4. 14. **S.** Paulus eo tempore in Oriente versatus ad annum JESU Christi sexagesimum quintum, aliquo tempore Ephesi mansit, ibique Timotheo relicto, ipse in Macedonia profectus est. Timotheum in Episcopum ordinaverat, communica-ta ei per impositionem manuum Presbyterorum gratia, quamquam tantum quasi annorum triginta esset. Timotheus igitur primus Ephesiorum Episcopus fuit, rogatus a S. Paulo, ut ibi maneret, & per-versos Doctores comprimeret. Titum Discipulorum alium charissimum apud Cretenses reliquit, ubi ipse prædicaverat, eidemque, Episcopo constituto, ea, quæ deficerent, emendandi curam dedit, & per civitates, ubi expediret, Episcopos ordinaret. Ipse in Macedonia perveniens, apud Philippenses, sicut promise-rat, divertit. Inde primam ad Timo-theum dedisse circa annum Christi sexa-gesimum sextum, creditur.

Phil. I. 25.

26. II. 24.

I. Tim. I. 6. 7.

6. 4. 5. 20.

4. 7.

Hæc Epistola præcipua Episcoporum munera complectitur. Episcopus ante omnia Pseudo-Doctores reprimat, qui a fide aberrantes, & puritate conscientiæ vanis disputationibus, verborum litigiis, novel-